

## **INUUSUKOMBEST 2018 pillugu naliliineq**

### **Atuarfinni INUUSUKOMBEST-imut qinersineq**

INUUSUKOMBEST 2018-imi januaarip qaammataani aallartisarneqalermat ukioq atuarfiusoq 2018 pilersarusiorneqareerpoq, taamaattumik atuarfinni tamani "Atuartut tamat oqartussaaqataanerannik ulloqarnerat" suli atulersinneqanngilaq, taavalu illoqarfiup avataani ilaasortaasut angalanissaannut unnuinissaannullu pilersarusiornermi piffissaq atorneqartoq pissutigalugu Nuuk avataaneersut atuarfiit qinersinissaannut piffissaliunneqartoq assigiilersinneqarpoq taavalu Nuummi atuarfiit qinersineranni piffissaliunneqartoq aamma assigiilersinneqarluni. Atuarfinni tamani qinersinermi klassini alloriarfinni tamani atuartut pineqarput, taamaammata ataatsimuussuseq annerulersutut aamma peqataatinneqartutut aalajangeeqataasutullu misigineq pigineqarpoq, tassa klassini minnerniit klassini annernut. Najoqqutareqqusaasut iluini atuarfiit kajumissuseqarluarnertik aalajaannertillu takutippaat.

### **UKIOQATIGIIT**

INUUSUKOMBEST-imut ilaasortat alaatsinaallutillu sapiissuseqarluarnertik takutippaat, kisianni ukiukinnertik pissutigalugu suliassami itisilerlugu aallutsinissaanut piffissartornarlutillu nukersornarput. Taamaattumik 2020-mi tulliani qinersisoqalermat INUUSUKOMBEST-imut inuusuttut qinigassanngortittussat alloriarfinni ukiui ersarinnerunissaat anguniarneqassaaq - 13-iniit 17-inut ukiullit eqqarsaatigalugit - matumanilu nunaqarfinni aqutsisoqarfinneersut inuusuttut peqataatinneqassallutik. Qanorluunniit ikkaluarpat atuartut illoqarfiup avataaneersut angalanerminni inersimasumit ingiallorteqassapput (atuarfianniit ilinniartitsisoq), inersimasullu atuartoq/atuartut angalanera/-t tamaat sap. ak. ataatsimiit ullut 12-it tikillugit sivissuseqartumi nakkutigissallugu/-it. Matumani sulisukitsut pingaartumik nunaqarfinni atuarfiit ulluni arlalinni ilinniartitsisumik angalasoqarsinnaanera eqqarsaatigalugu eqqumaffigineqassaaq.

### **UNNUISARFIIT**

Atuarfinit arlaqartunit innersuussisoqarnera aamma piffissami sivikitsumi pilersarusiornissaq pissutigalugit, ilaatigut INUUSUKOMBEST-imut ilaasortat imminnut qaninnerunissaat eqqarsaatigalugu taavalu inuusuttut unnuinerminni toqqissisimanartumik ineqartinneqarnissaat anguniarlugu, illoqarfiup avataaneersut tamarmik Inuk Hostelsimut angalanerminni ingiallortaat peqatigalugit inissinneqarput, tassami Inuk Hostels avatangiisigissaarnermik, inersimasut ingiallortaaq immikkut sinittarfeqarnissaannik kiisalu sumiiffimmi ataatsimi nerisaqarnissamik neqeroorsinnaammata. INUUSUKOMBEST-ip tulliani piunerani aaqqissuisutut ilaqtutani unnuisarneq pillugu inassuteqaateqarneq sulissutigineqassaaq.

### **ATAATSIMIINNERIT**

Inuusuttut piunarsusaat kajumissusaallu annertusarniarlugu suliffiup avataaniit siunnersortimik ataatsimiinnerni aqutsisoqartitsisoqarpoq. Suliffiullu avataaniit siunnersortip inuusuttut suliaqarnerat pissanganartoq pissarsiffiullu artoq aqutsinermini malittarisassaqaartippaa, taamaammata immikkuullarissumik peqataatinneqarnermik peqataanermilu pingaaruteqassusia misigitillugu.

### **SUMIIFFIK**

Pilersaarutit malillugit pisussat apeqqutaatillugit ataatsimiinnerit Inuk Hostelsimi aamma Kommunalbestyrelsiip Ataatsimiittarfiani ingerlanneqartarput. Kommunalbestyrelsiip Ataatsimiittarfiani ataatsimiinnermi Kommunalbestyrelsiip sumiiffimmiittarneranik aamma suleriaasianik inuusuttut

paasisaqarfigilluarpaat ilaatigullu inuusuttut sulinerannik pimoorussilluarnermik misigitinneqarlutillu tusaaneqartutut pimoorunneqartutullu misigitinneqarput. Inuk Hostelsimi nerisaqartitsisoqarlunilu naleqqulluartunik ataatsimiittarfeqartitsisoqarpoq, taavalu illup iluani silataanilu pitsaasunik sammisaqartitsisoqarluni.

### **INUUSUTTUT PISSARSINERAT**

Inuusuttut namminneerlutik INUUSUKOMBEST-imi ataatsimiinneranni peqataallutik pitsaasumik misigisaqarnertik oqariartuutigaat. Tusaaneqartutut pimoorunneqartutullu misigitinneqarnerup saniatigut, INUUSUKOMBEST-imi suliniuteqarlutik suleqatigiit ulluni ataatsimiiffiusuni annertuumik pissarsinertik oqaatigivaat taavalu misilittakkanik, misigisanik piginnaasanillu annertuunik angerlaassillutik, matumani kommunimi inuusuttut akornanni sumut ingerlanersut annertunerusumik paasisamasaqarfigineqalerluni, kiisalu atuarfiit, illoqarfiit nunaqarfiillu akimorlugit attaveqalerneq ikinngutigiiilernerlu ilaallutik.